

**SOALAN: 97**

**PEMBERITAHUAN PERTANYAAN JAWAB LISAN DEWAN RAKYAT  
MESYUARAT KE DUA, PENGGAL KE DUA,  
PARLIMEN KE EMPATBELAS**

---

**PERTANYAAN : JAWAB LISAN**

**DARIPADA : TUAN WONG CHEN [SUBANG]**

**TARIKH : 18 JUL 2019**

**SOALAN NO.**

Minta **MENTERI DALAM NEGERI** menyatakan berdasarkan kenyataan Ketua Polis Negara berkenaan fokus baharu Cawangan Khas, adakah Cawangan Khas tersebut diberi tugasan untuk pengawasan geng-geng, kartel narkoba, pelacuran dan perjudian haram.

## **SOALAN: 97**

### **JAWAPAN**

Yang di-Pertua,

Cawangan Khas telah ditubuhkan oleh Kerajaan bertujuan untuk mengumpulkan sebarang bentuk maklumat risikan keselamatan yang berkaitan dengan aktiviti subversif, penyuluhan, sabotaj atau mana-mana percubaan untuk melakukan aktiviti berkenaan. Tugas ini adalah selaras dengan peruntukan seksyen 3(3) Akta Polis 1967.

Fokus Cawangan Khas tidak terhad kepada tugas berkaitan pengawasan geng-geng, kartel pengedaran dadah, pelacuran dan perjudian haram seperti yang dinyatakan oleh Ahli Yang Berhormat. Sebaliknya Cawangan Khas turut memberikan bantuan dan kerjasama daripada segi perkongsian maklumat risikan dengan jabatan-jabatan lain di dalam PDRM seperti Jabatan Siasatan Jenayah dan Jabatan Siasatan Jenayah Narkotik dalam membantu jabatan-jabatan berkenaan menjalankan operasi masing-masing.

Di samping itu maklumat-maklumat risikan keselamatan yang dikumpul dan dianalisis oleh pihak Cawangan Khas turut dikongsi dengan jabatan-jabatan Kerajaan yang berkaitan dalam menjalankan operasi dan membuat keputusan berkaitan keselamatan negara.